

Naartunermi, erninermi meeravissiartaarnermilu sulinngiffeqartarneq il.il. ullormusiaqartarnerlu pillugit Inatsisartut peqqussutaat

§ 1

Naartunermi, erninermi meeravissiartaarnermilu sulinngiffeqartarneq il.il. ullormusiaqartarnerlu pillugit Inatsisartut peqqussutaat nr. 12, 31. oktober 1996-imeerssoq imatut allanngortinneqassaaq:

1. § 9-mi imm. 1-p kingorna immikkoortutut nutaatut una ikkunneqassaaq:

"*Imm. 2. Meeqqanik ataatsikkut inunngortunik marlunnik amerlanerusunilluunniit erninermi arnap sulinngiffeqartarnera sapaatit akunnerinit 14-iniit 18-inut erninerup kingornatigut sivitsorneqarpoq.*"
Tamatuma kingorna imm. 2-4 allanngorput imm. 3-5-inngorlutik.

2. § 9, imm 3-mi, imm. 4-nngortumi, "imm. 1-2-mi" allanngortinneqassaaq imatut "imm. 1-3-mi".

3. § 11 imatut oqaasertalerneqassaaq:

"**§ 11.** Erninerup nalaani suliffinngiffeqarnerup § 9-mi taaneqartup saniatigut meeqqap angajoqqaavi, § 9, imm. 1-im 3-milu taaneqartutut piumasaqaatitalerlugu, katillugit sapaatip akunneri arfinillit tikillugit sulinngiffeqarsinnaapput anaanaasup erninerup nalaani sulinngiffeqarsinnaatitaaneranut toqqaannartumik atatillugu.

Imm. 2. Erninerup nalaani sulinngiffeqarnerup § 9-mi taaneqartup saniatigut, meeqqanut marlunnut amerlanerusunilluunniit ataatsikkut inunngortunut angajoqqaat, § 9, imm. 1-im 3-milu taaneqartutut piumasaqaatitalerlugu, katillugit sapaatip akunneri qulit tikillugit sulinngiffeqarsinnaatitaapput anaanaasup erninerup nalaani sulinngiffeqarsinnaatitaaneranut toqqaannartumik atatillugu.

Imm. 3. Imm. 1 aamma 2 malillugit sulinngiffeqarsinnaatitaaneq angajoqqaat ataatsikkoorlutik atorsinnaanngilaat.

Imm. 4. Imm. 1 aamma 2 malillugit sulinngiffeqarsinnaatitaaneq meeqqap toquneratigut, paarisassanngortillugu allanut inissinneqarneratigut allanulluunniit qitornavissianngortitaaneratigut atorunnaassaaq."

4. § 13, imm. 1-im "§ 9, imm. 2" imatut allanngortinneqassaaq: "§ 9, imm. 3".

§ 2

Inatsisartut peqqussutaat manna ulloq 1. januar 1999 atuutilerpoq.

§ 3

Imm. 1. Inatsisartut peqqussutaat ulloq 1. januar 1999-imi kingusinnerusukkulluunniit meerartaartoqartillugu atuutissaaq. Inuit manna tikillugu malittarisassat atuuttut malillugit

sulinngiffeqalereersimasut aamma ulloq 1. januar 1999-imi kingusinnerusukkulluunniit
meerartaartoqarsimappat inatsisartut peqqussutaat manna malillugu sulinngiffeqarsinnaatitaapput
ullormusiaqarsinnaatitaallutillu.

*Imm. 2. Inuit ulloq 1. januar 1999-imi Inatsisartut peqqussutaat manna malillugu
sulinngiffeqarsinnaatitaasut, § 11, imm. 1 naapertorlugu sulinngiffeqarsinnaatitaassapput,
sulinngiffeqarneq ulloq 1. januar 1999 nallertinnagu aallartinneqarsimagaluarpaalluunniit.*

Namminersornerullutik Oqartussat, ulloq 30. oktober 1998

Jonathan Motzfeldt

/

Mikael Petersen

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut